

UGOVOR

Za nabavku prehrambenih artikala LOT 3: nabavka mlijeka i mliječnih proizvoda za potrebe klijenata Javne Ustanove Terapijske zajednica – Kampus Kantona Sarajevo

Zaključen dana 24.04.2017. godine u Sarajevu između

1. **Javne Ustanove Terapijske zajednica – Kampus Kantona Sarajevo** sa sjedištem u Sarajevu, Iznad sela Kešelji bb, koju zastupa direktor Kenan Kestendžić/ u daljem tekstu: **Naručilac /**
2. **TP Distributivni centar DD** sa sjedištem u Sarajevu, Rajlovačka bb, koju zastupa direktor Mirsad Hodžić/ u daljem tekstu: **Dobavljač /**

I. UVOD

Član 1.

Na osnovu provedenog otvorenog postupka javne nabavke – roba – prehrambenih artikala LOT 3: nabavka mlijeka i mliječnih proizvoda Ugovorni organ je Odlukom broj: 35-06-07-12/17-27 od 05.04.2017. godine odabrao ponudu Dobavljača broj 424 od 27.03.2017. godine kao najbolje ocjenjenu ponudu u skladu sa objavljenim kriterijem za donošenje odluke o odabiru i zahtjevima iz tenderske dokumentacije.

Ovaj Ugovor o nabavci ne predstavlja obavezu Naručioca na realizaciju u bilo kojem obimu ili vrijednosti u odnosu na ugovorenu količinu.

II. PREDMET I TRAJANJE UGOVORA

Član 2.

Predmet ovog Ugovora je utvrđivanje uslova o javnoj nabavci prehrambenih artikala po LOT-3 nabavka mlijeka i mliječnih proizvoda s Dobavljačem, a za potrebe korisnika Javne Ustanove Terapijske zajednica – Kampus Kantona Sarajevo prema tenderskoj dokumentaciji i ponudi Dobavljača te uslovima utvrđenim tenderskom dokumentacijom i ovim Ugovorom, a u skladu sa potrebama Naručioca.

Ovaj Ugovor o nabavci roba se sklapa na period od 1 /jedne/ godine dana od dana potpisivanja i predviđa sa ciljem realizacije isporuke roba tokom perioda za koji je ugovoren.

II . CIJENA

Član 3.

- Ukupna vrijednost ovog Ugovora (bez PDV-a) iznosi : 22.474,45 KM,
- Popust iznosi: 0,00 %,
- Ukupna vrijednost ovog Ugovora (bez PDV-a) i sa uključenim popustom iznosi : 22.474,45 KM,
- PDV (17%) iznosi: 3.480,66 KM,

- UKUPNA VRIJEDNOST/CIJENA Ugovora (sa PDV-om) iznosi: 23.955,11 KM,

Cijene su fiksne i ne mogu se mijenjati za sve vrijeme važenja Ugovora.

III. USLOVI PROVEDBE UGOVORA

Član 4.

Cijene za svaku nabavku moraju odgovarati cijenama istaknutim u ponudi Ponuđača iz člana 1. stav 1. ovog Ugovora moraju biti nepromjenjive.

Član 5.

Ponuđač se obavezuje da će početi sa isporukom odmah po sklapanju ovog Ugovora a na zahtjev Naručioca.

Isporuka roba će se vršiti sukcesivno /dnevno, sedmično ili mjesečno/ prema zahtjevima i potrebama Naručioca u roku od 24 sata od dana ispostavljanja narudžbenice.

Mjesto isporuke roba je sjedište Naručioca ul. Iznad sela Kešelji bb, Općina Ilidža – Sarajevo.

Član 6.

Naručilac će vršiti plaćanje na osnovu ispostavljenih faktura Ponuđača.

Naručilac će izvršiti plaćanje fakture iz stava 1. ovog člana u roku od 15 / petnaest/ dana od dana dostavljanja ispravne fakture.

Dobavljač je saglasan da Naručiocu neće zaračunavati zatezne kamate za zakašnjenje pri plaćanju preko „Trezora“, ako je Naručilac u ugovorenom roku unio nalog za plaćanje u sistem trezora ministarstva Finansija Kantona Sarajevo.

Član 7.

Pri sklapanju Ugovora o javnoj nabavci ugovorne strane ne smiju mijenjati bitne uslove nacrtu ovog Ugovora.

IV. OBAVEZE I ODGOVORNOST PONUĐAČA

Član 8.

Ponuđač se obavezuje izvršavati isporuke roba savjesno i odgovorno, na način određen ovim Ugovorom sa pažnjom dobrog privrednika.

Ponuđač se obavezuje da će ugovorene robe isporučiti u skladu sa tenderskom dokumentacijom i prihvaćenom ponudom.

Ponuđač se obavezuje da će ugovorena roba biti u skladu sa proizvođačevom deklaracijom i rokom upotrebe ne manjim od 20 dana.

Dobavljač se obavezuje čuvati sve podatke i materijale dobivene po osnovu ovog Ugovora i neće ih otkrivati i davati na upotrebu trećim licima.

V. BANKOVNE GARANCIJE ZA OSIGURANJE IZVRŠENJA UGOVORENIH OBAVEZA

Član 9.

Dobavljač je, u smislu osiguranja izvršenja obaveza po ovom Ugovoru obavezan Naručiocu dostaviti garanciju za uredno izvršenje ugovora / dobro izvršenje posla u iznosu 10 % ukupne vrijednosti Ugovoru, sa rokom važnosti garancije: 1./jedna/ godina dana od dana zaključenja Ugovoru.

Član 10.

Dobavljač će garanciju iz prethodnog stava dostaviti u roku od 10 dana od dana zaključivanja/obostranog potpisivanja ovog ugovora. Garancija za uredno izvršenje Ugovora dostavlja se u originalu. Garancija ne smije biti ni na koji način oštećena (bušenjem, i sl.) jer probušena ili oštećena garancija se ne može naplatiti. Ukoliko garancija za uredno izvršenje Ugovora nije dostavljena na propisan način, shodno uslovima iz tenderske dokumentacije i u roku iz prethodnog stava, zaključeni Ugovor će se smatrati apsolutno ništavim.

VI. OBAVEZE NARUČIOCA

Član .11

Naručilac se obavezuje saradivati sa Dobavljačem tokom izvršenja isporuka roba i povremeno ga informisati o relevantnim činjenicama koje bi mogle utjecati na izvršenje Ugovora.

Naručilac se obavezuje Dobavljaču platiti ugovorenu cijenu za izvršenje isporuke roba na ugovoreni način i u ugovorenom roku.

U slučaju eventualnih propusta Dobavljača u izvršavanju isporuke roba , Naručilac se obavezuje odmah po uočavanju propusta dati Dobavljaču prigovor u pisanoj formi.

VII. RASKID UGOVORA

Član 12.

U slučaju da Dobavljač ne bude ispunjavao ili ukoliko ne bude u mogućnosti ispunjavati preuzete obaveze iz ovog Ugovora i uslova ponude ili učini povredu odredbi ovog Ugovora, Naručilac ima pravo jednostranog raskida ovog Ugovora uz pisano obavještenje.

VIII. RJEŠAVANJE SPOROVA

Član 13.

Sporovi koji eventualno nastanu iz ovog Ugovora, rješavat će se u prvom redu međusobnim sporazumom ugovornih strana, a ukoliko se ne mogu riješiti mirnim putem, oštećena strana može ostvariti svoja prava pred nadležnim sudom u Sarajevu.

Za sve odnose i institute koji nisu utvrđeni ovim Ugovorom, a proisteknu iz njegove realizacije primjenjivat će se odgovarajuća odredba Zakona o obligacionim odnosima.

IX. SASTAVNI DIJELOVI UGOVORA

Član 14.

Sastavni dijelovi Ugovora su :

- Ponuda Dobavljača broj: 424 od 27.03.2017. godine.

I. STUPANJE NA SNAGU UGOVORA

Član 14.

Ovaj Ugovor stupa na snagu danom obostranog potpisivanja.

Član 15.

Ugovor je sastavljen u 4 /četiri/ istovjetna primjerka, od kojih se ugovornim stranama uručuju po 2 /dva/ primjerka.

NARUČILAC:

Javna Ustanova Terapijska zajednica -

Kampus Kantona Sarajevo

Kenan Kestendžić, direktor

Broj: 35-06-07-12/17-49

Datum: 24.04.2017.godine



DOBAVLJAČ:

TP Distributivni centar DD

Sarajevo

Mirsad Hodžić, direktor

Broj: 648/12

Datum: 29.04.2017.godine

